



Inatsisartuni ilaasortaq Erik Jensen, Siumut
Inatsisartut
-/ maani

**Royal Greenland A/S pillugu § 37 naapertorlugu apeqqutinut nr. 023 –
2020-imeersunut akissutit**

Brevdato: 24-02-2020
Sags nr. 2020-3881
Akt id.
P. O. Box 1601
3900 Nuuk
Tel. (+299) 34 50 00
E-mail: isiin@nanoq.gl
www.naalakkersuisut.gl

Asasara Erik Jensen,

Inatsisartut suleriaasianni § 37 naapertorlugu Royal Greenland A/S pillugu apeqquteqaateqarsimavutit. Apeqqutitit uannut akisassanngorlugit innersuunneqarsimapput, akissutillu ataani atuarneqarsinnaallutik.

1. Royal Greenland-ip kilisaataataani aqumiut (officer-it) 51-iusut qanoq agguluggaappat?

a) Angallatit naalagai qassiuppat, taakkunani lu qassit nunaqavissuuppat?

Akissut: Royal Greenland ilisimatitsivoq angallatit naalagaanniit arfinilinnit sisamat Kalaallit Nunaanni najugaqartutut nalunaarsorsimasut, marlullu Kalaallit Nunaanni najugaqaratik.

b) Aquttut qassiuppat, taakkunani lu nunaqavissut qassiuppat?

Akissut: Royal Greenland ilisimatitsivoq aquttuunernit arfinilinnit tallimat Kalaallit Nunaanni najugaqartutut nalunaarsorsimasuusut, ataaserlu Kalaallit Nunaanni najugaqartuunngitsoq.

c) Igasoq/pilattat qassiuppat, taakkunani lu qassit nunaqavissuuppat?

Akissut: Royal Greenland ilisimatitsivoq hovmesterit arfinilliusut katillutik, taakkunangalu tallimat Kalaallit Nunaanni nalunaarsorsimasuusut, ataaserlu Kalaallit Nunaanni najugaqartutut nalunaarsorsimanani.

d) Qaavani sulisut naalakkat qassiuppat, taakkunani lu nunaqavissut qassiuppat?

Akissut: Royal Greenland ilisimatitsivoq trawlbas-it katillugit arfiniliusut, Kalaallit Nunaanni inuit allattorsimaffiannilu nalunaarsorsimasut arfiniliusut.

e) Kiisalu suliffissiarmi pisortat aamma aqutsisut qassiuppat, taakkunani lu nunaqavissut qassiuppat?

Akissut: Royal Greenland ilisimatitsivoq suliffissuarni pisortat katillutik arfiniliusut, taakkunani lu sisamat Kalaallit Nunaanni inuit allattorsimaffianni nalunaarsorsimasut, marluk Kalaallit Nunaanni inuit allattorsimaffianni nalunaarsorsimanngitsut. Suliffissuarni pisortat tulliinit aqqanilinnit qulit Kalaallit Nunaanni inuit allattorsimaffiini nalunaarsorsimapput, ataaserlu Kalaallit Nunaanni najugartutut nalunaarsorsimanani. Nioqqtissiornermi formand-it 12-it tamarmik Kalaallit Nunaanni inuit allattorsimaffiini nalunaarsorsimasuupput.

2. Kalaallit aalisariutaanni inuttalersuisarneq pillugu Namminersorlutik Oqartussat nalunaarutaat nr. 13, 17. November 2011-imeersup § 3 imm. 1 malillugu aqumiunissamut inatsisitigut piumasaqaatit Naalakkersuisut naammassivaat?

- a) **Malinneqarsimappat imaluunniit malinneqarsimanngippat tamanna sunik tunngaveqarpa?**

Akissut: Aalisarnermut, Piniarnermut Nunalerinermullu Naalakkersuisoqarfik imatut ilisimatitsipput: *Naalakkersuisut Kalaallit Nunaanni aalisariutini inuttalersuisarneq pillugu Namminersorlutik Oqartussat nalunaarutaat nr. 13 17 novembari 2011 § 3, imm. 1-imi* pineqartumi malittarisassat tamakkisumik ilaannakoortumilluunniit piginneqataaffigisaminni malittussaavaat. Taamaattumillu inuttalersuisarneq pillugu piumasaqaatit malittussaallugit.

Kalaallit Nunaanni Aalisarnermik Akuersissutinik Nakkutilliivik (KANUAANA) aalisariutiniit inuttat nalunaarsornerinik pisarpooq peqqussutit iluani tunngassuteqartuni, ataavartumillu nakkutigineqartarpoq malittarisassat malinneqarnerinik. Inuttanik allattorsimaffit KANUAANA-mut nassiunneqartarput aalisarialernerit tamaasa.

Aalisariutit piumasaqaataasut naliginnaasumik malittarpaat, malinneqarsimanngikkaangamik suliassanngorlugu nalunaarusiortoqartarpoq, akiliisitaanermik kinguneqarsinnaasumik.

3. Kalaallit aalisariutaanni inuttalersuisarneq pillugu Namminersorlutik Oqartussat nalunaarutaat nr. 13, 17. November 2011-imeersoq § 3 malillugu immikkut akuersissuteqartinik tunniussisoqarnikuva?

Akissut: Royal Greenland ilisimatitsivoq aalajangersakkamut pineqartumut atatillugu saneqqutsinissamik immikkut akuersissuteqanngimmat maanna atuuttumik.

4. §37_002/2020-imi apeqquut 2-mi “Royal Greenland-ip kilisaataatani inuttaqarpa nunatta avataani najugaqaraluarlutik Nuummi qullersaqarfiiup ataani adressellit” imaattumi akissut ilaatigut imaqartoq akissutigineqarpoq: “Royal Greenland A/S imatut paassisutissiivoq, Ingerlatitsivissuup taaneqareersutut inuttalersuisarnermut malittarisassat atuuttut maleqqissaartarpaat, Namminersorlutillu Oqartussat malittarisassat atuuttut malinneqarnissaat pillugu peqqissaartumik nakkutilliisuupput.

Taamattumik Naalakkersuisunut apeqquutigerusunnarpoq: Malittarisassat malinneqarsimappata, taava sooq apeqquut 2: §37_002/2020 ersarissumik akineqarusunngila?

Akissut: Royal Greenland A/S ilisimatitsivoq siusinnerusukkut akissutigineqareersut aalajangiusimaneqartut, tassalu aalajangersakkat atuuttut

malinneqartut. Ilanngullugu Kalaallit Nunaanni Aalisarnermut Akuersissutinik Nakkutilliivimmuit Royal Greenland A/S innersuussissaaq, taakkua malittarisassat atuuttut imaat atortinneqarnerallu ersarinnersumik paasissutissiivigisinnaammatigit.

5. Royal Greenland-ip Danmark-imi atorfiit 200-it missaanniittuni atorfiit suuppat sumillu piumasaqaatillit/piginnaasallit inissisimasorivai?

Akissut: Royal Greenland ilisimatitsivoq Royal Greenland-imi Danmark-imiittumi (Svenstrup-imi) sulisoqartoq piffissami matumani katillugit 169-inik. Atorfiillu taakkua amerlanersaat ingerlatseqatigiiffissuup aqunneqarneranut atatillugu atorfiummata Danmark-imi inissinneqarsimasut, nunat tamalaat akornanni Royal Greenland-ip ingerlatsineranut atatillugu, atorfinnullu pineqartunut piumasaqaataasut ilinniagartuutut ilinniagaqarsimanaissaq Royal Greenland A/S malillugu Kalaallit Nunaanni inuttaleruminaatsorujussuit imaluunniit inuttalerneqarsinnaangitsut sulisunut piumasaqaataasut eqqarsaatigalugit. Tamakkua assersuutigalugu tassaapput aningaasarsiornikkut controlling, business & category performance, SAP, logistik, pitsaassusilerineq, niuernerlu. Taakkualu saniatigut Royal Greenland A/S-imi sulisut assistantit isumagisarisarpaat Svenstrup-imi najukkami suliassat, ingerlatseqatigiiffissuarmilu ingerlatanut atatillugu ilalersuisuullutik. Kiisalu aamma Svenstrup atorneqarpoq sungiusaammik suliffittut Royal Greenland A/S-mi AU-mik ilinniartunut. 2019-imi AU-mi ilinniartut 4-at DK-miippuit, marlulu nunani allani sivilsunerusumik najugaqarsimallutik (Japan/Tyskland). AU-mi ilinniartullu saniatigut 2019-imi Akademi bachelorinngorniartut sungiusaammik sulisut Niuernermiik Ilinniarfimmeersut sivilsunerusumik tamaaniissimallutik. Aamma ilinniagartuunngorniartunik ikiortinik – studentermedhjælpere – 8-nik Royal Greenland Danmark-imiittoqarpoq, taamalu tamanna allaffissornikkut Royal Greenlandimi ilinniartunut nunanut tamalaanut sammisumik ingerlatsisunut pingaaruteqarluni.

Royal Greenland ilanngullugu ilisimatitsivoq, sulisut marluk soraarsimasut, taakkualu atorfiit Kalaallit Nunaannut nuunneqarsimallutik.

6. Naalakkersuisut isumaqarpat atorfiit arlallippassuit Danmark-imiittut nunaqvissuniit nunatsinniit inuttalersorneqarsinnaangitsut?

Akissut: Inussiarnersumik apeqqummut 5-imut akissutaasut takoqquneqassapput.

7. Kalaallit aalisariutaanni inuttalersuisarneq pillugu Namminersorlutik Oqartussat nalunaarutaat nr. 13, 17. November 2011-imeersup nutarterniarnerani suliaq sumut killippa aammalu qaqugumiit atutilernissaa naatsorsuutigineqarpa?

Akissut: Aalisarnermut, Piniarnermut Nunalerinermullu Naalakkersuisoqarfik imatut ilisimatitsipput: Massakkuugallatumik utaqqineqarpoq Aalisarneq pillugu

Ataatsimiititaliarsuup suliaata inernerisassai, ilaatigut suliakkiummi imatut allaqqavoq:

“Aalisarnermi kalaallit aqumiut amerlanerusut.

Kalaallit Nunaanni aalisariutini kalaallit aqumiut qanoq iliorluni amerlineqarnissaat naleqquunnerpaajunersoq nalilersorneqassaaq. Aaqqiissutissatut periutsini iluaqutit ajoqutillu qulaajarneqassapput, tassunga ilanngullugit inatsisitigut iliuusaasinnaasut immikkoortumilu piginnaanngorsaanermi suliniut naleqqussarneqarsinnaaneri.”

Inussiarnersumik inuulluaqqusillunga

Med venlig hilsen



Jess Svane